

Dua Aise Maange

Mufti Ahmad Khanpuri db


Urdu Kitab Hadis ke Islahi Mazamin se Lipyantar kiya gaya he.

Dua Kabul Karvane Ka Ek Amal

Jo amal khalis Allah ke liye kiya jaata he chahe vo kaisa hi mamuli sa kyu na ho Allah ke yaha us amal ki badi kadro kimat hoti he, aur uski barkat se Allah dua bhi kabul karte he chunanche dua ke adab me ek chiz ye bhi likhi gayi he ke adami dua karte huve apne amal me se koi aisa amal jo khalis Allah ke liye kiya ho uska bhi vasta aur vasila de sakta he, uske sadke aur tufail me Allah dua kabul karte he agar koi aisa amal na ho to dua se pehle koi aisa amal karle aur fir dua kare to bhi dua kabul hoti he.

DUA

Ya Allah tu hamare gunaho ko maaf farma,
hamari khatao ko maaf farma, nafs aur
shaitan ki shararato se hamari puri puri
hifazat farma,



Ya Allah hamari tamam ibadato me aur tamam nek amal me hamko ikhlas ata farma, niyyato ko thik karne taurif ata farma,

Ya Allah in gafilato ke natije me un chizo me ham be khauf he afiyyat ke sath un gafilato ko dur farma, uska ehsas ata farmakar uske liye koshish ki taurif ata farma, aur hamare liye usko asan farma.

Ya Allah ham to kamzor he mujahide ki takat ham me nahi he,


Ya Allah ham to mujahido ko bardasht bhi nahi kar sakte,

Ya Allah tu to karimo ka karim he, tere khazane bhare huve he,

Ya Allah bagair mujahide ke bhi tu ata farma sakta he,

Ya Allah hame ye nemat sirf apne fazlo karam se ata farma,

Ya Allah mujahido valo ko bhi jab tu deta he to apne fazal se hi ata farmata he, varna koi bhi




apne mujahide se kisi bhi chiz ka hakdar nahi banta.

Ya Allah ham to bagair kisi hak ke sirf tere fazlo karam ke sadke us chiz ka tujse saval karte he, hame apne tamam amal me ikhlas aur lillahiyat ata farma, niyato ko thik karne ki taufik ata farma.

Ya Allah hame maal ki mohabbat aur ohdo ki mohabbat se duniya ki mohabbat se najat ata farma, aur har amal teri jaate-aali ke vaste khalis taur par anjam dene ki taufik ata farma.

Ya Allah nafs aur shaitan ki shararato se hamari puri puri hifazat farma, har amal ko sahi tarike se anjam dene ki taufik ata farma.

Ya Allah tu hamare validain ki hamare bado ki bachcho ki hamare bhai, behno ki hamare rishtedaro ki ustado aur buzurgo ki dosto ki ham par ehsan karne valo aur ham se milne julne valo ki jinho ne hamko dua ke liye kaha ya likha ya jo ham se dua ki ummid rakhte



he aur tamam momin mardo aur momin aurto muslim mardo aur muslim aurto ki puri ummate muhammadiya ki magfirat farma.

Ya Allah tu hamare chhote bade zahir aur chhupe huve agle aur pichle sare gunaho ko maaf farma, hamare gunaho ko nekiyo se badal de,

Ya Allah Huzur ﷺ ke tariko ko apni zindagi ke har shoabe me jari karne ki hame taufik ata farma.

Ya Allah majlis me jitne bhi maujud he sab ki puri puri magfirat farma, bimaro ko puri sihat, jaldi se jaldi sihat, aur hamesha ki sihat, ata farma, aur jin logo ne apne bimaro ki sihat ke liye dua ki darkhaste ki he, Ya Allah un tamam ke bimaro ko puri sihat, jaldi se jaldi sihat, aur hamesha ki sihat, ata farma.

Ya Allah jin logo par karz he unke karzo ki adaigi ki gaib se shakle paida farma, jo pareshan haal he unki pareshaniyo ko dur

farma, jin ki aulad shaadi ki umar ko pohoch chuki he unko naik saleh jod ata farma, jin ke liye shaadi ke asbab nahi he afiyyat ke sath unko nikah ke asbab ata farma.


Ya Allah jo be-aulad he unko nek aulad ata farma, jin ki aulad na farman he unko farmabardar banade jo log narina (Male) aulad ke khawahish mand he unko narina (Male) aulad ata farma.

Ya Allah jo log begunah jailo me bandh he un tamam ko afiyyat ke sath rihai nasib farma,

Ya Allah sirf apne fazal se sabke liye rihaai mukaddar farma, khususi fazal farma, is ummat ke haal par raham farma,

Ya Allah jin logo par mukaddamat he afiyyat ke sath unko chhutkara ata farmade.

Ya Allah jinki jo jo zarurate he sirf apne fazlo karam se pura farma, is majlis me jitne bhi maujud he sabke dilo ke raazo se aur dilo ke haal tu janta he aur tere khazane bhare huve he,



Ya Allah sabki jaiz murade sirf apne fazal se puri farma,

Ya Allah Huzur ﷺ ne jitni khair aur bhalai tujse maangi vo sab hamko ata farma aur Huzur ﷺ ne jin buraiyo se panah chahi

Ya Allah unse hamari hifazat farma,

Ya Allah hamari dua ko mahaz apne fazlo karam se kabul farma, Aamin.

